

裸洞


李氏族譜

并附家譜

二世祖子皋公地土名陽狗坑即猪地山是也祖同鍾肖二氏合墓俱楠
棺石樟山下之一穴六世道昂公墓山右一穴土名鷓鴣仔十世藍田祖墓




三世祖朝鄉公地土名帽峰祖妣譚氏合墓俱沙棺石槨
頂上一穴始世祖友聞公地葬神牌




四世士喬公地土名圓岡仔即浮雲托月是也祖偕妣陸氏
合墓俱沙棺石槨左右二穴葬祖之幼主六上舍七上舍




五世宗月公地土名馬頭岡即蚕形是也祖偕妣鄭氏張氏
合墓俱沙棺外槨 鍾氏塋葫芦咀 後張氏塋双飛蝴蝶



七世祖從濂公地土名那沙嶺即獅子馱鈴是也祖妣陸氏
 塋雙飛蝴蝶
 祖地是花果園梁道人點穴



七世妣陸氏地土名井水峽雙飛蝴蝶是也陸氏係從濂公正室
 右邊一穴五世妣後張氏墓係宗月公之三配也
 左邊一穴六世禮文公墓
 葫芦咀一穴五世妣鍾氏墓



八世祖北山公地土名七星隴祖妣闔氏合墓楠棺外槨
易氏塋在三富廟右邊土名渴馬飲泉



七世祖從輪公地土名木龍即象弼是也

杜阮黃惠叟點穴



九世竹溪公地土名添子地即秦王點兵
越塘馮阿長點穴




八世祖南山公地土名塘頭山即狗形是也火葬右邊一穴祖妣何氏墓楠棺磚槨右下穴九世龍蟠公庶室黃氏墓鄭隱龍下穴




九世竹溪祖妣馮氏地土名田租岡榛棺石槨杜阮黃惠叟指出

江西曾修斐下穴



敕贈文林郎十世奇山公地土名龍耳嶺次一穴祖妣任氏墓

江西曾修斐下穴



十世祖奇山公妣方氏地土名龍蟠嶺又名真武靈龜梓棺石棹
墓上有敕書亭



十一世渭公修族譜序

家有譜猶國之有史也家國雖殊然所錄之寔則一而已夫統察之異同办傳承之久近叙疎戚定尊卑收渙散族非譜之寔不可也譜立矣世或乏賢不惟無以其族大而併其所傳之寔者或泯焉尤不可也或譜立而世有賢則足矣尊敬祖考垂示子孫俾作於前者永垂於後述於後者有光於前斯大其族矣古人重譜之義其在斯乎故龍門子曰三世不修譜者比之不孝譜之為孝難言矣彼常人以為好名之累者多矣其名位功業外物耳往往無而為有虛而為盈其設心欲以欺人殊不知適以自誣其祖又有陋其祖之賤而旁搜顯人而尊之者又有鄙其祖之惡而私附聞人而文之者冒他人之族哭他人之墓無所不知是為忍心害理之人惑孰甚焉然世之知乎此者常少趨乎偽者居多故君子事親以誠原情以理有惑於異端而奉其教者豈禮

也哉此蔽於聖賢之大道故爾又有悖者焉知奉其身而不恤其身之所同出是謂痿痺之民則其心物以化矣故於同出之人乖離渙散而不相收患難則棄之貧窶則乘之見可欲者皆將收為己有甚則兄弟相視如胡越相挺如寇仇鬪於墻廝於溝而不知恤於是倫理大壞而不可振其於譜之孝也何有是以古之能大其族有三曰立功立言立德而已然功之立也以時言之立也以德學之立也斯立矣德立則有禮義以淑其身視一族猶一身百世猶一世貧賤相收患難相恤慶吊相交孝慈相勸友讓相尚富與貴不敢加於父兄宗族其道何也親有隆殺世有遠近者勢也情無親疎遠近乃祖父之心也勢無如之何矣情不盡也凡所以收之恤之交之者多盡其情也然猶未也又必萃之以祠聯之以譜祠則祭祀以時而粢盛牲醴以致其潔昭穆以叙其尊卑長少之不失其倫譜則尊其所知詳其所徵